



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De paruulum animabus qui sine baptisate moriuntur. lii.

urn:nbn:de:hbz:466:1-10722

quasi iterum Christum crucifixerint, septem annos poeniteant, quartam, & sextam feriam, & tres Quadragesimas poeniteant. Si pro vitio aliquo fuerit, similiter. Si pro auiditia putauerint, tribus annis similiter poeniteant.

De paruulorum animabus, qui sine baptismo moriuntur. Cap. LII.

Ex epist. Grego. papa scripta Secundo sermo Dei recluso. **I**N extremo verò epistolæ requisisti quid eis respondendum sit, qui dilectionem tuam de paruulorum animabus requirunt, qui sine gratia baptismatis moriuntur, & quædam sententias: si corpus originali tenetur culpa, unde anima quæ à Deo datur rea erit, quæ adhuc in actuali delicto non sensit corpori? Sed hac de re dulcissima mihi tua charitas sciat, quia de origine animæ inter sanctos patres inquisitio non parua versata est, sed vtrum ipsa ab Adâ descenderit, an certè singulis detur, incertum remansit eamque in hac vita insolubiliter falsi sunt esse questionem. Grauis est enim quæstio, nec valet ab homine comprehendi: quia si de Adâ substantia anima cum carne nascitur, quur non etiam cum carne moritur? Si vero cum carne quæ ab Adam prolata est, obligata peccato tenetur. Sed quum hoc sit, incertum non est, quia si sacra baptismatis gratia fuerit renatus homo, omnis anima originalis peccati vinculis est obstricta. Hinc est scriptum est: Non est mundus in conspectu eius, & vnus diei infans super terram. Hinc David ait: Iniquitatibus conceptus sum, & in delictis peperit mater mea. Hinc ipsa Veritas dicit: Nisi quis renatus fuerit ex aqua & spiritu sancto, non intrabit in regnum celorum. Hinc Paulus apostolus ait: Sicut in Adam omnes moriuntur, ita & in Christo omnes viuificabuntur. Quur ergo infans qui nihil peccauit in conspectu omnipotentis Dei esse non valet mundus, quur Psalmista ex legitimo coniugio prolatus, in iniquitate conceptus est? Quur nisi quia qui mundatus aqua baptismatis non fuerit mundus non est? Quur in Adam omnes homo moritur, si originalis peccati vinculis non tenetur? Sed quia genus humanum in parente primo velut in radice putruit, auitatem erexit in ramis, & inde omnis homo cum peccato nascitur, unde primus homo permanere voluit in pe-

cato. De his autem subtilius ac latius loqui debueram, sed dum me & curarum tumultus præmunt, & harum portio ut laxaretur importunus extitit, unde multa debui, pauca locutus sum.

De energumenis baptizatis. Cap. LIII.

Energumeni baptizati de purgatione sua curantes, si se sollicitudini clericorum tradunt, monitisque obtemperant, omnimodis communicent, sacramenti ipsius virtute vel muniendi ab incurso dæmonis quo infestantur, vel purgandi, quorum iam ostenditur vitæ purgatio.

De energumenis & catechumenis baptizandis.

Caput LIII.

Energumenis & catechumenis in quantum vel necessitas exegerit, vel opportunitas permisserit, de baptisimo consulendum.

De rebaptizatis. Cap. LV.

CVM rebaptizatis fideles religiosi nec in cibo participent.

De presbytero qui rectè baptizatum denuò baptizauerit, & non rectè baptizatum ab hæreticis non baptizauerit. Cap. LVI.

Episcopus aut presbyter si eum qui secundum veritatem habuerit baptismum denuò baptizauerit, aut si pollutum ab impiis, & non rectè baptizatū nō baptizauerit, deponatur, tanquam deridens crucē & mortē domini, nec sacerdotes veros à falsis sacerdotibus iure discernens.

Ut diaconi suam mensuram custodiant. Cap. LVII.

Diacones quoque propriam constituimus seruare mensuram, nec ultra tenorem paternis canonibus deputatum, quippiam tentare permittimus: nihil eorum suo ministerio penitus applicare, quæ primis ordinibus propria decreuit antiquitas. Absque episcopo & presbytero baptizare non audeant, nisi prædictis fortassis officii longius constitutis, necessitas extrema compellat, quod & laicis Christianis facere plerumque conceditur.

Ex cōcil. Arausico, cap. 13.

Ex eodē cap. 14.

Ex cōcil. Euerdēsi, cap. 14.

Ex cōcil. Lugdunē, cap. 47.

Ex decre. Gelasii papæ. ca. 7.